

嘉慶松江府志

松江府志卷二十六

田賦志

恩蠲

國朝順治二年以平定江南蠲免本年稅糧十分之七兵

餉十分之四其明末無藝之徵盡永除之

江南通志

三年戶部覆準江南各府漕米折價於

恩詔外再免三分之一

大清會典則例

十一年奉

詔順治六七兩年直省地丁本折錢糧積欠在民者悉予

豁免

大清會典則例

十三年奉

詔順治八九兩年直省地丁本折錢糧積欠在民者悉予

豁免

大清會典則例

康熙三年奉

詔直省順治十五年以前民欠各項銀米藥材紬絹布匹

等項錢糧槩行蠲免

大清會典則例

四年欽奉

恩赦直隸各省順治十七八年舊欠錢糧著照蠲免十五

年以前一體除免

汀南通志

八年欽奉

恩詔內開康熙元二三年直隸各省丁地正項錢糧實係拖欠在民不能完納者該督撫奏請蠲免

十年欽奉

恩詔內開康熙四五年各省丁地正項錢糧實係拖欠在民不能完納者該督撫奏請蠲免

並江南通志

十九年戶部覆準江南財賦繁多舊欠追比累民康

熙十二年以前均予蠲免

大清會典則例

二十年奉

恩詔兵革寢息人民乂安免康熙十三四五六七年地丁

民欠錢糧

江南通志

二十三年九月

恩詔江南等省分自用兵以來供應繁苦宜加恩卹康熙二十四年所運漕糧著免三分之一又自康熙十三年起至二十二年拖欠漕項錢糧著自二十三年起每年帶徵一年以免小民一時竝徵之苦

二十四年巡撫湯斌奉二十年

恩詔題免蘇松等七府州屬地丁及并衛帶徵項下十三年至十七年未完銀七十六萬八千六百一十四兩有奇米二萬六千四百一石有奇

並江南通志

二十六年

恩詔自用兵以來一應動用錢糧累年未清者槩行豁免

又

諭戶部除漕項錢糧外江蘇陝西省康熙二十七年應徵地丁各項錢糧均著蠲免二十六年未完錢糧亦悉予豁免

免欽此

大清會典則例

又

恩詔自康熙十三年以後加徵各項雜稅該部察明豁免  
二十七年

上諭朕南巡至江南境上所經宿遷諸處民生風景較前次南巡稍加富庶朕念江南積年帶徵錢糧恐爲民累出

京時曾詢戶部知全省積欠約有二百二十萬除江南正  
項錢糧已與直隸各省節次蠲免外再加江南全省積年  
民欠地丁一應錢糧屯糧蘆課米麥豆雜稅槩予蠲除欽  
此

大清會典  
通例

三十年十二月初四日

諭戶部恩旨各省歲運漕米向來未經議免除河南明年  
漕糧已頒諭免徵外江蘇等省應輸漕米著自康熙三十  
一年始以次各蠲免一年

江南  
通志

三十八年戶部覆準蘇松等府州屬康熙十八年起

至二十六年民欠正雜錢糧盡行蠲免

大清會典  
則例

又

諭戶部恩旨江蘇安徽所屬舊欠帶徵錢糧除康熙三十三年恩詔內已經赦免外其三十四五十六等年一應地丁米麥豆雜稅著戶部行文該督撫察明悉免徵收

四十年奉

旨將江蘇巡撫所屬州縣等處除漕項外康熙四十一年地丁錢糧盡行蠲免

四十五年十月二十五日

諭戶部恩旨江蘇安徽等省自康熙四十三年未完銀米通行豁免其舊欠已完在官而見年錢糧未完足者亦準



扣抵

並江南  
通志

四十六年十月奉

恩旨四十三年未完民欠漕項錢糧悉予蠲免仍將本年  
所徵漕糧每州縣或留八九萬石或留十萬石酌量賑給  
十一月初二日奉

旨康熙四十七年江南通省人丁額徵銀兩悉行蠲免  
四十七年十月十六日

恩旨蠲免康熙四十八年除漕糧外江南通省地丁銀四  
百七十五萬四百兩有奇所有舊欠銀米暫停追取

四十九年六月

恩旨將江南舊欠四十四四十五四十六四十七年未完地丁等項錢糧於五十年起分四年帶徵四十七年漕項錢糧於五十三年帶徵

以上江南通志

又戶部題江蘇所屬府州縣無著銀將俸工等捐賠補還奉

旨此無著銀乃朕南巡時地方官公同動用不敢聲明但前任官挪用虧空之項著落後任官賠補必致科斂擾害百姓此等朕知之甚悉心殊不忍此無著銀十萬八千有奇免其賠補以示朕軫念官民至意欽此

大清會典則例

五十一年十月

特恩全免五十二年地畝人丁錢糧十六萬四千五十六

兩有奇并免歷年舊欠

五十二年蠲免江南所屬地丁有差

江南通志

五十六年

諭朕撫馭寰宇五十餘年各省正賦屢經全免累年積欠亦已蠲徵近者民力雖已稍舒然念分年帶徵之銀若不格外優寬則小民一歲所獲分納二年之賦以其贏餘養贍室家斷難充足朕每懷及此軫惻良深宜更加殊恩通行豁免今將直隸江蘇等八省帶徵屯衛銀二百三十九萬八千三百八十兩有奇槩免徵收其漕項雖例不準免

亦著破格施恩將江蘇安徽所屬帶徵漕項銀四十九萬五千一百餘兩米麥豆十有四萬六千六百十有餘石內免徵各半欽此

大清會典則例

雍正元年二月

恩詔各省民欠錢糧年久應免者查奏酌免

江南通志

又

諭江蘇等屬康熙三十三年以前未完民屯地丁等項錢糧一百三十一萬餘兩內蘆課等項銀九萬八百兩有奇雖非恩詔內應行豁免之項但此事閱年最久倘行催徵窮民必至受累著一并盡行豁免

大清會典則例

六月奉

恩旨蠲江蘇各屬康熙十一年至五十年未完地丁米豆

蘆課等銀

江南通志

又

諭江蘇等屬康熙三十四年以後積年民欠錢糧七百二十九萬六千餘兩外蘆課等項銀十有九萬二千七百餘兩著一并豁免

又

諭江蘇等屬四十七年以後民欠三百五萬九千餘兩內地租等項銀六千八百餘兩年久實欠在民者一并豁免

又

諭恩詔議免各省錢糧部議舊欠銀米應准蠲免者自康熙十八年至四十五年止著加恩將五十年以前舊欠銀米等項均察明豁免

以上大清會典則例

二年六月

特恩蠲免康熙四十六年至五十年舊欠地丁米麥

十二月蠲免蘇松所屬本年地丁銀

三年三月十九日奉

旨將松江府正額銀蠲免十五萬兩著爲定例

七年奉

旨凡遇

特恩蠲免錢糧其耗羨仍舊輸納若因水旱蠲免者不得徵收耗羨將此永著爲例

妻志

又戶部覆準蠲免錢糧將所免分數仍刊串票填寫

某戶免銀若干付花戶收執

大清會典則例

十年三月奉

恩旨以官侵吏蝕包攬錢糧分爲十年帶徵實在民欠更緩作二十年帶徵自壬子年始卽以帶徵完納之分數爲

次年蠲免之分數

江南通志

十三年九月初三日

恩詔內開各省民欠錢糧係十年以上者該部查明具奏

候旨豁免

江南通志

是年九月

諭直省錢糧於恩詔蠲免外將雍正十二年以前實在民欠者一併寬免從前江南積欠錢糧內有官侵吏蝕二項從民欠中分出者亦著照民欠例寬免

又十二月

諭輸納錢糧多由業戶則蠲免之典大槩業戶邀恩者居多彼無業貧民終歲勤動按產輸糧未被國家之恩澤尙非公溥之義若欲照所蠲之數履畝除租繩以官法則勢



有不能徒滋紛擾然業戶受朕惠者苟十蠲其五分惠佃戶亦未爲不可近聞江南已有向義樂輸之業戶情願蠲免佃戶之租者閭閻興仁讓之風朕實嘉悅其令所在有司善爲勸諭各業戶酌量寬減彼佃戶之租不必限定分數使耕作貧民有餘糧以贍妻子若有荒封業戶能善體此意加惠佃戶者則酌量獎賞之其不願者亦不得勉強從事此非捐修公項之比有司當體朕意虛心開導以興仁讓而均惠澤若彼刁頑佃戶藉此觀望遷延仍治以抗租之罪朕視天下業戶佃戶皆吾赤子恩欲其均也業戶沾朕之恩佃戶又得拜業戶之惠則君民一心彼此體卹

以人和感召

天和行見風雨以時屢豐可慶矣欽此

大清會典則例

十月初七日奉

上諭據果親王奏江南等省漕項蘆課及學租雜稅等銀著全省豁免

十一月十六日奉

旨豁免雍正十二年以前錢糧耗羨銀兩

十二月初八日

特恩豁免雍正十二年以前帶徵緩徵漕項本折銀米

江南

通志

乾隆元年

諭凡遇蠲免皆以奉旨之日爲始其奉旨之後部文未到之前有已輸在官者準作次年正賦永著爲令

二年

恩詔蘇松浮糧尙有浮多之處著再加恩免額徵銀二十萬兩該督撫確查詳核務使均勻俾民得沾實惠

四年

恩旨特蠲江南正賦一百萬兩竝將所蠲正賦之耗羨一

槩免徵

大清會典別例

七年

恩免雍正十三年民欠地丁漕項銀米

十年

恩旨將乾隆十一年直省應徵錢糧通行蠲免經大學士等議準各直省除蘆課漕項例不蠲免外其地丁錢糧額銀共二千八百二十四萬餘兩將直隸奉天江蘇福建等省地丁錢糧共一千有四十二萬九百餘兩於十一年全行蠲免

大清會典則例

按松江府於十一年輸免漕項耗羨奉文於來歲徵收

十一年

上諭各省蠲免正賦之年若有未完之舊欠仍按期帶徵

則民間猶不免追呼之擾著一并停其徵收展其開徵之年令其照例輸納

十五年

上諭蠲免未完耗羨銀十之六

十六年

諭朕巡幸江浙問俗省方廣沛恩膏聿昭慶典更念東南財賦甲於他省其歷年積欠錢糧雖屢準地方大吏所請分別緩帶以舒民力而每年新舊竝徵小民終未免拮据朕宵旰勤勞如傷在抱茲當翠華臨蒞倍深軫卹用普均沾之澤以慰望幸之忱著將乾隆元年至乾隆十三年江

蘇積欠地丁銀二百二十八萬餘兩安徽積欠地丁銀三十萬五千餘兩悉行蠲免俾官無累誤民鮮追呼共享昇平之福

條例  
約編

二十年七月奉

恩旨確查乾隆十年以前實在民欠錢糧造冊豁免

二十二年正月

上諭著將江蘇安徽浙江乾隆二十一年以前積欠未完地丁銀兩槩予蠲免

二月奉

上諭從前恩詔內令將各省年久民欠錢糧查明豁免而

積欠漕項該部未經查奏今朕巡幸所至清問閭閻其在江北一帶則俱由積歉停緩江南各屬又悉皆積年尾欠升合畸零若仍按年帶徵於貧民生計愈滋拮据其將江南省乾隆十年以前積欠漕項銀米以及地漕耗羨俱著加恩一體豁免以慰軫卹民瘼至意

條例  
約編

二十七年正月

上諭著將江蘇安徽浙江三省自乾隆二十一年起至二十六年止所有節年災田緩徵及未完地丁各欠項照二十二年例槩予蠲免

五月

上諭錢糧以差銷爲限二十六年之正賦此時尙未截數  
何得謂之積欠欽此

條例  
約編

三十年正月

上諭江浙東南黎庶望幸情殷宜布渥恩用光盛典前此  
三經臨幸恩旨疊頒所有江南省積欠地丁等項蠲免至  
二百餘萬兩維時地方大吏率多遵循舊例例所應蠲者  
不論災熟積欠竝予豁除而於因災緩帶之項其中有例  
不準蠲者轉未獲一體邀恩於情理未爲允協因思成熟  
地畝當年出產本豐自不難踴躍輸將年清年款其陳積  
未完者實不免豫覲恩膏有心觀望若因災停緩之糧勢



由歲歉不齊致滋逋負初非玩戶抗延之比今翠華所過  
慶典聿修而此等祲薄窮黎未蒙歲澤朕心甚爲軫念著  
再加恩將江蘇安徽乾隆二十五年以前節年因災未完  
蠲剩河驛俸工等款竝二十六七八三年因災未完地丁  
河驛等款以及二十八年以前因災未完漕項暨因災出  
借籽種口糧民借備築隄堰等銀一百三十四萬餘兩又  
籽種口糧內米麥豆穀十一萬三千餘石槩予蠲免

### 二月奉

上諭江南爲財賦重地頻歲屢獲豐稔維正之供諒無拮  
据但所免災欠一項蘇松各屬不及淮徐之多恩施未能

通達卽駐蹕處所將來更沛恩膏亦止省會數縣其餘各屬尙未一體均沾著再加恩將江蘇布政使所屬各州縣乾隆二十八年以前熟田地丁雜款未完銀四萬一千六百餘兩一體槩行豁免並將江蘇經過地方均免十分之五俾閭閻益資殷阜共樂昇平副朕加惠無已至意

閏二月奉

恩旨豁免浙江仁和袁浦等場未完竈課銀一萬八千六

百餘兩

條例約編

三十一年正月欽奉

恩旨將各省應輸漕米照康熙三十年

恩免漕糧之例於乾隆三十一年爲始按年分省通行蠲免一次著該部速行定議具奏部議三十二年免江蘇省又各省額徵漕糧內江蘇浙江有白糧一項河南山東有黑豆麥石一項茲恭遇

恩免漕糧其白糧黑豆麥石應一體遵

旨通行蠲免

是年 月又奉

上諭前經降旨將各省漕糧分年普免一次使海內黎元均沾閭澤但聞漕糧款內尙有例徵折色及民戶輸銀官爲辦漕者雖徵收銀米不同其爲按田起漕之例則一也

若令其照漕項一例輸將不得與交納本色民戶並邀贖  
典未免獨切向隅著再申諭辦漕各省州縣內有徵收折  
色者一體槩予蠲免

又奉

上諭昨據尙書嵇璜奏請按照府分勻作兩年蠲免業經  
戶部議駁旋據高晉明德會奏請將各州縣額漕本年先  
蠲一半俟明年再蠲復經該部以高晉等身任其地自就  
該省實在情形籌辦當經議覆準行在伊等通融調劑原  
爲地方米石均平及貨物流通起見當此閭閻澤覃數白應  
籌酌萬全以期妥協高晉等所奏各州縣槩免一半之處

雖通行出示曉諭而僻壤窮鄉勢難家諭戶曉江蘇糧額  
甲於他省條目繁多既易混淆且恐不肖吏胥因緣爲奸  
不無高下其手影射侵漁之弊轉不如閒府分免尤爲妥  
善著高晉明德等將該省漕糧通盤籌畫按額適均統計  
本年應免若干府次年應免若干府使界限井然蠶役無  
由滋弊輸將者既易於遵循蠲免者更普沾實惠而於裕  
食便民之道亦均有裨益該督等迅速悉心定議一面奏  
聞一面通行各屬實力辦理以副朕疇咨民隱之至意

條例

約編

按松江等府於  
三十二年諭獨

三十五年正月元旦奉

上諭今年爲朕六十誕辰明歲恭逢

聖母八旬萬壽普天忭祝慶洽頻年尤從來史冊所未有似宜沛非常之恩以協

天心而彰國慶著自乾隆三十五年爲始將各省應徵錢糧通行蠲免一次其如何分年遞蠲之處著大學士會同該部卽速詳議具奏部議應循照上屆普蠲之時按各省地丁錢糧數目均勻搭配分作三年輪免江蘇等省於次年全行蠲免

四十二年正月二十四日奉

上諭前因

聖母萬壽特宏錫類之仁普蠲各直省錢糧以昭慶惠朕  
本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自  
戊戌年爲始普蠲天下錢糧仍分三年輪免俾寰宇億兆  
人民仍得共被

慈恩永申感慕而朕終天罔極之忱雖不能仰酬萬一庶  
幾藉茲稍展其如何輪派年分著戶部卽速悉心核奏遵

行部議直隸江蘇等省地丁錢糧共銀九百二十八萬餘兩於戊戌年全行蠲免

四十三年十月初三日奉

上諭大學士管兩江總督高晉閩浙總督楊景素等合詞陳奏以江浙人民望幸甚切且河工海塘皆冀親臨指示懇請於庚子春再舉南巡盛典以愜輿情一摺著照所請於乾隆四十五年諏吉啟鑾至各省漕糧於乾隆三十一年普免一次茲蒙

昊蒼眷祐累洽重熙朕敬體

天心愛養億兆用是再沛恩膏著於庚子年爲始復行普



免天下漕糧一次俾藏富於民共享盈寧之福所謂斂福  
錫民慶莫大焉其應如何輪年分免之處著交戶部詳悉  
妥議具奏部議四十六年免江蘇省之松江常州鎮江太  
倉海州通州六府州屬

四十九年二月

上諭朕翠華南幸慶典時行江省爲財賦重地茲入疆伊  
始渥澤宜覃著加恩將江寧藩司所屬積欠地丁漕項等  
款未完米麥豆一十八萬九千七百二十六石零蘇州藩  
司所屬地丁漕項等款未完銀四萬五百五十四兩零民  
借籽種口糧未完銀一千二百四十八兩零漕糧漕項等

款未完米豆三萬八千九百六十四石零安徽藩司所屬  
地丁等項未完銀三十七萬三千二百六十一兩零民借  
籽種口糧未完銀六萬一千九百兩零漕倉等款未完米  
麥豆六萬五千七百四十餘石零俱著全行豁免用敷愷  
澤副朕行慶施惠之至意

五十五年奉

上諭朕賴

昊蒼眷祐旣逾古稀欣開八袞幸得小康時懷大惕自乾  
隆十年以迄四十二年特布恩綸普免天下錢糧業經三  
次以今歲屆朕八旬壽辰仰荷

天

祖貽庥率土稱慶以至梯航重譯祝嘏來庭從古史牒實所罕覩是宜廣宣湛閭敷錫兆民以答

嘉貺普將五十五年各直省應徵錢糧全行蠲免其如何按年輪蠲之處著大學士會同戶部卽速核奏遵行大學士公阿桂等議奏蠲免錢糧於乾隆五十六年爲始按照各直省實在額徵銀數將所屬之各府直隸州次第均勻搭配按年輪免每年應免三分之一按上三屆普免之例通計一年一律蠲免至隨徵耗銀一項係充地方一切公用並非解部之款均照例輸納

其有向年緩徵帶徵之項應於各該年徵收者不便以正項既蠲再行展限轉致下年新舊並徵應請遇有緩徵帶徵錢糧省分仍於蠲免之年照例徵收奉旨依議

六十年奉

恩旨節年民欠及因災帶徵銀米全行豁免

嘉慶元年

恩詔普免漕糧

五年奉

旨豁免民欠口糧一萬三千三百九十七兩有奇

考元史食貨志云賑卹之名有二曰蠲免卽周官所謂薄徵曰振貨卽周官所謂散利顧有以恩免者以災免者而恩免之典尤爲曠大前此惟元封天漢以封禪而弛賦本始甘露以鳳集而已徵而松郡之佔被未有聞焉元代賜復之典見於食貨志者凡四中統四年免諸路民戶包銀俸鈔及逃移差稅至元三十一年詔免天下差稅有差是年六月免腹裏軍站匠船鹽鐵等戶租糧及江南夏稅有差大德三年免腹裏包銀俸鈔及江南夏稅十分之三四年免江南租稅十分之一前明惟洪武一免江南逋賦永樂元

年詔免蘇松水田租稅景泰五年秋七月壬戌免蘇  
松揚杭嘉湖等府酒糧二百一十萬石宏治五年十  
一月免應天蘇松常鎮太平寧國七府宏治四年夏  
稅秋糧嘉靖四年蠲免蘇松常帶徵錢穀三十八萬  
有奇統有明一代計之僅五見而已雖寬大之詔偶  
出非常其時蘇松賦既偏重條編前後名目繁多而  
民困未舒小惠奚補

聖  
國朝平定江南卽除明苛政且節次蠲免浮糧與民休息

聖相承重熙累洽蠲租賜復之

盛典史不絕書百七十餘年以來

慶錫頻敷

鑾輿時幸普免正供以及秋糧漕白奚契億萬所以藏富東南而仁壽斯民者尤亙古所未有云

田賦志

縣志

宋乾興元年蠲秀州水災民租 二月詔蘇湖秀州民

飢貸以廩粟

宋史

崇寧四年蘇湖秀三州水賜乏食者粟

宋史

紹興十八年賑秀州流民並借給春耕費蠲積負租稅

二十九年華亭大飢詔賑之

願志

咸淳六年嘉興華亭兩縣水免公田租五萬一千石民

田租四千六百一十石

宋史

元至元二十四年十二月浙西諸路水詔免今年田租

十之一

願志



二十九年六月以松江等路水詔免二十八年田租  
至順元年二月賑松江飢民萬八千二百戶 七月松

江等路水災詔江浙行省以入粟補官鈔三千錠及

勸率富人出粟十萬石賑之

以上  
顧志

元統二年鎮江常州松江江陰等處水旱敕有司發義

倉糧賑之

元史

至元二年松江府上海縣飢發義倉糧及募富人出粟

賑之

元史

至正八年平江松江水災給海運糧十萬石賑之

元史

明洪武二年賑應天蘇松諸府貧民人給米一石棉布

一匹通志參  
顧志

三年六月賑蘇松飢民明典  
彙

八年免蘇松旱租鄭曉吾  
學編 十二月甲寅蘇州嘉興

松江常州太平寧國杭州水災賑之明史太  
祖本紀

九年蘇松大水免其田租 十二月賑飢民鄭曉吾  
學編

十一年五月蘇松水災蠲免歷年逋賦遣使行賑通志

按郭志云賑飢民六萬二千三百四十四戶賜米一  
石免其逋租六十五萬二千八百二十八石七月蘇

州松江楊州台州四府海盜漂溺居民詔遣官存卹  
之十一月以蘇松嘉湖杭五府屢被水災命悉罷五

府河泊所免其稅課今  
歲漁課未徵者亦免之

永樂二年六月賑濟蘇松鄭曉吾  
學編 八月以松江府水

田賦志

賑卹

災令低田稅糧以帛代輸

顧志

十一月戊午蠲蘇松

嘉湖杭水災田租

明史成祖本紀  
通志云從戶部奏請

松江府蠲免

六十萬九千九百餘石

顧志

按續文獻通考云是年定蘇松等府水淹去處給米  
則例每大田一斗六歲至十四歲六升五歲以下  
不與每戶有大田十口以上者止與一石其不係全  
災內有缺食者原定借米則例一口借米一斗二口  
至五口二斗六口至八口三斗九口至  
十口以上者四斗候秋成抵斗還官

三年九月丁酉蠲蘇松等府水災田租凡三百三十

八石

明史

四年九月賑蘇松嘉湖杭常六府流徙復業民戶十  
二萬二千九百有奇給粟十五萬七千二百石有奇

顧志

十二年十一月庚申蠲蘇松嘉湖杭水災田租四十

七萬餘石

明史 顧志云四十萬九千七百餘石

二十年五月丙寅詔有司遇災荒先賑後聞

明史

二十二年十月命戶部蘇松等府被水災處今歲秋

糧悉折輸布鈔每石輸布一匹或鈔六錠

明史

宣德元年九月命行在戶部遣官覆視蘇松諸府災傷

蠲其稅

通志參郭志

八月巡撫周忱奏置蘇松等府濟

農水次等倉以備賑卹

續文獻通考

三年八月華亭縣久雨滄沒田苗命行在戶部驗數

蠲稅 十月以蘇松等府水澇民飢命六部除軍需所用外其造紙買銅鐵等事悉皆停止所遣催督官員各令還京

七年九月命行在戶部遣人覆視華亭上海等縣水災田畝蠲其租稅

八年以濟農倉米賑濟蘇松飢民

明通紀

九年八月敕諭應天蘇松等府州縣今水旱蝗蝻災傷處民人缺食停止工部派辦物料待豐熟之時辦

納

順志

正統五年五月以水災令直隸松江府華亭上海二縣

免徵今年折糧大三梭布五萬九千七百三十二匹  
第徵中等三梭布二萬匹每匹折糧二石其餘折徵  
闊白棉布 七月敕行在工部右侍郎周忱所奏蘇  
松等府潦水爲患農不及耕心爲惻焉今遣員外郎  
王瑛往視就齎敕諭爾卽躬自踏勘凡各郡所淹沒  
不得耕種之處具實奏來處置其被水之民有艱難  
乏食者悉於官倉儲糧接濟仍戒飭郡邑官善加存  
卹毋令失所顧志冬十一月壬子免蘇松常鎮嘉湖六  
府水災秋糧明史

十年蠲免蘇松常鎮等十四府州縣九年水災無徵

糧米共四十萬餘石

舊通志

十二年四月免直隸蘇松常鎮四府蘇州鎮海二衛被災秋糧子粒八十八萬四千七百七十餘石草二十一萬六百三十餘包

景泰五年十一月戊午罷蘇松常鎮織造采辦

明史

九月

停免蘇松等府民運八十三萬二千餘石并各項起

運存留馬草折銀等俱係遣官勘實災傷奏請處置

從戶部尚書張鳳等奏

明志

十二月免蘇松常鎮揚杭嘉湖八府

被災者秋糧

明史

六年九月乙亥賑蘇松飢民米麥一百萬餘石

明史

成化元年放南直隸撫按官賑濟飢民

明政統宗

按郭志云先是景泰五年郡人華亭侯端顧游杜端  
與其弟剛上海張英張璘姚吉蔡璠徐昂孔達吳春  
談愷陶林陳復張經李紳吳昂等各輸粟八百斛助  
賑明年蔡璠等又各輸入百斛助賑詔並賜冠帶旌  
之至是年歲又飢郡人華亭張鴻沈瑾陳道宣子神  
胡鳳劉琪助賑木邑二年上海陸經曹琪徐亮楊蕃  
余平王謙蔡玉張得潤周獻喬益何欽各輸米五百  
斛助賑本邑三年俱詔授承事郎上海印行張子安  
輸米各四百斛並授迪功郎華亭  
朱璧一百五十斛旌其門曰義民

七年以連歲災傷免松江府今年稅糧五分有奇從

按御史  
王杲奏

顧清雜記曰松江歲比不登辛巳風砭壬午秋大風  
雨害稼癸未夏旱高鄉種不入秋大風連雨熟稼多  
渴損撫臣奏災未報榜示諸州先輸起運之數以候  
蠲除又禁取私租負欠專足公輸至春又諭令有司



勸農分煮粥以食餓者新撫又下令開倉賑貸逋欠皆停民方欣然忽劄下令具豪強逋負五十石至千石者提問追解其未云終不忍爲減門刺史亦當爲破家縣令聞者駭異而戶部各行巡按王御史某災傷奏得旨照例蠲除京運不敷通融處置松災八分以上例免五分有奇新撫劄下遵行且令以在庫官錢借充運數至是民以爲實惠矣及有司具申則批云府縣沽名不卸國計五分之稅止許於存留項下準除松賦連夏稅折徵及蠲用雜辦總爲米百三十八萬有奇而留用者不滿六萬假令盡免猶不及一分之半也號令如此人誰適從自是敵忾盈庭死者相繼非惟不忍見固亦不忍聞矣且舊冬米價雖貴石不過銀七錢上下顧以牆壁之文導使通慢新歲因禁租負人皆閉廩五六月間石至一兩六錢之上乃緊令急徵如詔旨當輸一石者輸五斗如臺令當輸一石者輸二石有奇而猶不止也

十年夏五月乙卯免蘇松常鎮四府被水者秋糧

明史

憲宗  
本紀

十七年七月以水旱免松江府秋糧米八萬五千三百餘石草一萬三千餘包

宏治四年八月以蘇松浙江水災詔停織造段匹

從工部尚

書賈修奏請

五年二月詔以水災免蘇松等府衛糧草子粒有差

以上郭志

秋七月賑蘇松及山東飢

明史孝宗本紀

八月停止南京

蘇松兩浙額外織造并撤督造官員

從南京給事中楊廉奏請

八年五月以水災免應天蘇松常鎮等府宏治七年糧草子粒有差又免本年夏麥十之三十一月以

許墅關今年秋冬二季并明年春夏二季課稅銀留

賑蘇松常鎮四府飢民

舊通志

十五年議準蘇松災傷改折起運糧米

明會典

按郭志云北京官員月米每石折銀八錢南京官員俸銀月米每石八錢其餘並南京各衛倉糧每石七錢漕運米每石兌運者每石七錢改兌者六錢

正德元年十一月以蘇松等府災免存留糧草子粒有

差

郭志

三年十二月以蘇松杭州等府旱災令無災處所兌

單米及兩京俸糧共折五十萬石

兌軍米每石折銀五錢俸米每石折

銀七錢省其耗費以補災傷地方起運之數

從總督糧儲都御史

雜鑒奏請

顧文僊清真知府翁理書 乙丑之歲郡中常潦比  
時巡撫魏公惑於儉言以爲新主卽祚不應告災凡  
有訴者皆斥去泊事勢已迫方議奏陳則已後時不  
蒙簡放於是一歲無徵之糧凡十三萬石均敷邑中  
怨謫之聲溢於道路今日之水視乙丑且數倍極其  
勢所損苗糧豈止十三萬石而已區區之愚欲望鑒  
前之失飛驒上報仍請於總司速加賑濟使得安存  
一面曉諭鄉胥及此少晴速爲區區處圩岸有可措手  
督民并力假令撈土於田以補腔闕頃一存五爲利  
已多或有豪強阻撓指名明正其罰如此則災重者  
雖無如之何而稍輕者薄有所收猶足相補若陳請  
後時稅額不減復如往年則此茫然巨浸之中當徵  
數十萬石之粟雖有智者孰能爲謀而亦豈仁人之  
所忍耶

五年以蘇松常三府水災凡起運稅糧俱量改折各  
衛所屯田子粒并視災之輕重蠲免

七年十二月以旱災免蘇松常鎮四府秋糧有差

十四年八月以水災免蘇松常鎮等府夏稅有差

舊通

志

嘉靖二年應天蘇松淮陽徽池等郡徐滁等州大旱特

留蘇松折兌銀兩折鹽價

明典彙

四年正月蠲免蘇松常帶徵錢穀三十八萬有奇

從巡

按御史朱寶昌奏

七年以蘇松被災蠲免全稅發太倉庫銀一百萬兩

抵補起存錢糧餘行賑濟

舊通志

按續文獻通考云嘉靖八年令撫按曉諭積糧之家量其所積多寡以禮勸借若有仗義出穀二十石銀

二十兩者給予冠帶三十石三十兩者授正九品散  
官四十石四十兩者正七品俱免雜泛差役出至五  
百石五百兩者除給予冠帶外有司仍於本家暨立  
牌坊以彰尙義又鄰近州縣不得閉糴又應準各災  
傷地方守巡官查審流民大口給穀二三斗小口一  
二斗合速還原籍

又按澤國紀聞云明洪武賑米之法大口六斗小口  
三斗五歲以下不與永樂以後少減之賑荒以粥自  
嘉靖始凡被災明初不拘限制宏治中始限夏災不  
得過五月秋災不得過九月終初勘災法既實盡與  
蠲免宏治中始定全災免七分自九分災以下  
遞減又止免存留不及起運後遂爲定制云

二十年春正月免蘇松廬鳳淮揚六府滁和徐三州

被災者稅糧

明史

二十二年十二月乙酉免蘇松常鎮被災者稅糧

明史

三十三年以蘇松等府兵荒相繼盡蠲本年存留錢

糧改折起運之半

舊志

四十年九月辛丑賑蘇松常鎮杭嘉湖水災

明史

以蘇

松等府水災改折起運糧米停徵宗人府米折京庫

折草布絹等銀仍留關稅與各府引價事例銀賑濟

舊通志

郭志云時上海光祿寺少卿顧從禮出粟以食飢者

隆慶三年

郭志作二年

以江南北各府災傷詔蘇松常三府

改折額解祿米食糧一年十二月又改折松江府

華亭上海二縣漕糧十之五存留蠲免亦如之

續文獻通

考

徐文貞與知府衷貞吉書

適見按院所行告示其

為民之心本極懇切但今奸民所以未敢肆者懼搶奪之罪耳使搶奪無罪而激變有刑則奸民乘之安

作以富家存留自食之米槩指為餘剩強迫稱貸盡其有而去富者將何以自存夫富者獨非民乎且奸民今日貸於甲明日貸於乙既罄富者之有貧弱之民乃更無所於貸則無乃利奸惡而斃善良乎儼鄉貧民皆佃種富民之田如令富民毋計利害施各自貸其租戶苟非租戶不得妄指稱貸違者各坐以罪其中人自有田房者口當自食不得亦稱貧民往貸於富家至於貧難生員及一種不耕游手之民則著地方報名於官另為處給如此庶卹貧安富一舉而得而亂可弭也

萬曆七年以蘇松水災蠲免稅糧四萬二百五十七兩

有奇

從巡江御史林應訓奏請 北京馬草銀六千

兩二錢有奇折布銀一萬二千六百六十七兩八錢俱全免 鹽鈔銀七百七十四兩有奇公侯俸祿米麥銀七千二百九十五兩七錢八分有奇俱免五分馬價銀七千八百八十四兩一錢一分免四釐六餘帶徵

徐文貞階上內閣張文忠居正書 敕郡去歲水災



賴公顧念膏畿破格賑卹不意今歲復遭淫雨田疇  
淪沒民之困苦在撫按之奏陳郡縣之勸報計已能  
詳之某跼伏山林不宜屢出位以及政事但念萬民  
之命懸於君相譬如赤子恃父母以及政事但念萬民  
疾非父母則無所訴而為父母者亦不以嘗一療赤  
子之疾遂自謂已足不顧惜其再病之能亡身況公  
拯溺哺飢視民之輟轉望救情尤懇迫故輒取復以  
控顯伏乞台慈不以民之積告致災為可惡而惟見  
夫重疊被災患為可憐不以下之挾恩再請為可尤  
而獨軫夫顛軛號呼為出於不得已不以國之輕費  
勢不容捐以為德而深慮夫民窮之甚或足以生事  
而耗財仍垂望外之施曲慰溝中之望則豈惟松人  
幸於再活某幸於  
言之再行而已哉

九年江北淮鳳及江南蘇松等府災傷著動支各該

州縣庫銀倉穀賑濟

明通紀

十年冬十月丙申以南畿蘇松水災蠲賑有差

明史

按郭志云是年以蘇松等府水災改折本年漕糧及南京各衛倉糧蠲免宗人府米折南京倉麥折銀仍留關稅發賑

十五年秋七月江北蝗江南大水蠲賑有差

明史

十六年以蘇松等府災荒發太僕寺馬價及南京戶

部銀共三十萬命戶科右給事中楊文舉賑濟

郭志

按是年郡人國子生顧正心助濟荒義田三千二百二十九畝二分七釐共除糧淨米二千一百九十八石九斗四升每石定例易銀四錢五分納貯府庫以備三縣濟荒

十七年以松江府災荒蠲免三縣稅糧米一十萬二千三百七十九石有奇銀八萬二千一百二十五兩有奇歷年逋稅銀四萬七千二百三十七兩有奇停

徵銀七萬二千一百五十七兩有奇

從巡撫應天都御史余立等奏

郭志云知府喻均勸分行賑國子生顧正心等出粟為糜以食餓者自三月朔至五月三日止於四門空閒寺觀安集飢民一日二餐委千戶盧承惠百戶鄭元等監視國子生顧正心率先倡義施粥一月陳大廷張思齊共施粥一月其助銀米於官者華亭則太常卿徐藩助米三百石尚寶卿徐現六百石尚寶少卿徐瑛三百石國子生張承祖四百一十四石范允恆三百石上海則舉人倪甫英助米五百石國子生王學詩舉人王尙行共五百石國子生施一化三百石義民王漢王國棟王楷共一千石王桂徽王對各三百石青浦則序班王仕助銀五百兩國子生陳邦禮助米三百石義民楊道通一千石俱彙題建坊其助二百石以下者甚眾府官行獎免其徭役名不具載御史嘉善丁賓賑青浦并吳江縣為米二萬石

十九年秋七月蘇松大水蠲賑有差

明史

二十九年十一月戶部覆準直隸巡按何熊祥題蘇

松水災異常乞將被災八分以上長洲吳縣常熟華亭上海青浦無錫丹徒丹陽九縣俱準改折五分仍徵本色五分其改折之數不分正改照例每石折銀五錢連席板耗腳輕齋在內每同本色齊徵其改折

項下運軍月糧亦準扣數免編奉旨是

續文獻通考

郭志云三十二年青浦水災操江都御史嘉善丁賓出粟以賑并吳江縣共一萬五千石

三十六年蘇松常鎮四府水災詔留稅銀五萬兩賑

濟

明通紀

巡撫都御史周孔教請蠲賑疏略 今歲災遭水患自三月二十九日以至五月二十四日霖雨晝夜不歇牆垣傾圮萬井無烟較之嘉靖四十年間被災更慘矣按嘉靖七年地方奏報災傷蒙允將本年起存

錢糧盡行蠲免稍輕者照依分數勘實停徵量折三  
十三年奏報災傷蒙允將本年存留錢糧盡蠲起運  
額派大半改折又將內府糧米賑濟四十年奏報水  
災蒙允將本年兌軍民運糧米盡行改折宗人府米  
折等銀俱停徵仍留鈔關船稅等銀賑濟至萬厯十  
年奏報水災蒙允改折本年漕糧并南京各倉糧  
宗人府草折等銀全免折布等銀停徵及留關稅等  
銀賑濟十七年奏報災傷蒙允將本年漕糧盡數改  
折停徵五分光祿寺府部院等米俱收準折宗人府  
等衙門派剩米折等銀俱準蠲免揚州鳳陽二倉米  
麥折免徵一半歲造段匹等銀并十六年以前舊欠  
錢糧除金花漕折外其餘悉準停徵又蒙專差科臣  
楊文舉竊銀三十萬兩前來賑濟是歷年蠲賑之事  
例具在但蠲止存留上有虛名民無實惠賑取倉廩  
則倉廩所積有限無能濟其萬一此特可施之尋常  
之災而已今遇非常之災傷全望非常之蠲賑卽今  
災傷甫告已見搶米於路者雖職以嚴法禁止而民  
之思亂可知計此時職猶能奉法紀竭心力以調停  
維繫於馬奔獸駭之間過此日飢一日益復無聊加  
之督通日急鞭扑益煩竊恐流亡之民力不能辦將

使蠲停之權不在上而在下職有不忍言者伏乞敕  
下戶部亟行按臣查勘將重災地方本年錢糧無論  
起存破格蠲免萬歷三十五年以前舊欠錢糧盡數  
停徵又將詩墅鈔關與稅監所抽稅銀量留一年及  
各府事例稅契撫按贖罰凡可動可留等銀盡留備  
賑此不過蠲朝廷一年之租易此二百年孝順之百  
姓不爲餓殍盜賊此其所得孰多不則不惟損今日  
歲入之額恐且益以他年軍興之費爲憂愈深耳職  
言已盡職心欲嘔鬱不蒙  
俞允惟有席藁待罪而已

三十七年歲饑巡撫都御史周孔教檄知府張九德  
華亭知縣聶紹昌青浦知縣韓原善分往鄉村作粥  
以濟飢民皆取給署丞顧正心濟荒米使鄉士夫好  
義者監領之

鄉市煮粥凡十八處佘山一路俞廷諤  
獨蠲米三百石於宣妙寺煮粥就食者

頗衆

王圻平糶給粟議 古稱商賈之事可通於官府蓋  
握權奇時通塞銖較而寸權之亦救荒權宜之一策  
也大郡年凶穀貴小民病之若發官廩減價出糶而  
四方巨僧販運穀米一時轉集其價自平矣周文襄  
公巡撫直隸初至蘇松屬大饑穀貴公廉得江浙湖  
廣大稔令人橐金至其地故抑其直勿糶且給言吳  
中米價高甚用是三省大賈販米驟集公乃下令盡  
發官廩貨民半收其直城中米價驟減賈人亦賤糶  
公復推牛糶酒謝之悉大歡而去米價既平乃復官  
糶以實廩蓋得取壽昌法而善用之者然所以佐平  
糶者又在無過糶無抑價俾商販聞風輻輳慎斯術  
也何患米價不平而嗷嗷者不甦哉 荒年行賑給  
錢類費而鮮實施粥或聚而難散惟計口給粟人不  
過升合家不過斗釜庶幾乎拯溺救焚之一策也昔  
趙清獻公知越州命吏錄老穉不能自食者二萬一  
千九百餘人故事歲廩窮人止三千石公勸富人及  
僧道食羨者得粟四萬八千餘石自十月朔起人日  
受一升幼小者半之市郊各置給粟所共五十七處  
受粟者男女異地各以優受之且戒富人勿閉糶又  
出官粟五萬餘平其價糶之爲糶粟所十有八處又

備民修城爲工者三萬八千計工倍與粟棄男女者  
得收養之全活甚衆誠得給粟良法舉而行之存乎  
其人而已

陳繼儒煮粥條議 一設粥於城郭則遊手之人多  
設粥於鄉村則力耕之農衆聚則疫癘易染分則道  
里適中宜設於城郭十一鄉村十九較得其平矣  
一委官監視不無供應之煩及左右需索不如敦請  
一紳賢士爲地方信服者主之事既辦集小民呼應  
亦便 一搭廠既費竹木工食又防火燭風雨不如  
寺院之中水漿造鍋寓房貯積種種便益 一執事  
卽選飢民中健旺好潔者給米二升令司炊爨一  
柄強不如米粥往時極粥多不全熟或有攪和石膏  
往往食後致病而死故以白米爲主米粥或以石灰  
入鍋易於脹熟害甚石膏尤宜檢察 一草柴不如  
木柴火力既盛搬載堆積亦易餘炭又可煮茶飢民  
待粥者卽令劈柴劈完加粥一碗 一喫粥上午一  
次下午一次俱自帶碗箸就食倘遇風雨道途艱難  
許自帶瓦器并給二次以便攜歸 一給粥老人先  
於童壯婦人先於男子老人尪羸不能久待婦人領  
粥出自萬不得已俱宜體卹來卽發之 一童子最



難馴伏須擇人管攝擊鑼為號五童一隊挨次散之  
壯男俟末後散之一一丐流另設粥場仍令丐頭管  
領母使混擾飢民一凡遠近有體面人如學究醫  
生之類以絕粒為苦而又難於到廠當給竹籌烙  
印記即託人代領不必親至一道路橋梁有缺壞  
毀腐者皆補築修理勿使飢病之人傾跌致斃宜周  
密預為之一粥之生熟厚薄有無插和監視者當  
親看親嘗則諸弊悉除飢民得沾實惠一煮粥須  
用甌窰一則耐  
久一少灰塵

四十八年歲旱民飢南京工部尚書嘉善丁賓行賑  
青浦

天啓四年大水歲饑太僕寺少卿吳炯出粟三千石賑  
華亭上海南京工部尚書嘉善丁賓賑青浦

七年蘇松常大水免本年存額賦有差

舊通志

崇禎五年以旱災蠲逋賦三萬餘兩

縣志

十四年大旱詔蘇松等府漕米改兌麥折三分

舊通志

松江府共折六萬石

每石并耗費折銀一兩三錢

十五年命應天巡撫黃希憲賑蘇松常鎮四府飢民

郭志

國朝順治八年蘇松大水改折秋糧十分之六

通志

九年旱九月

救督撫巡視災傷輕重分別速賑務令災黎得沾實惠

郭志云是年七月巡撫江寧等處兵部左侍郎周國佐奏報地方荒旱情形奉

旨下部覆奏行勘九月戶部左侍郎王口口陳奏各省漕糧均在十月開徵往返勘報動經數月疏請商酌預

為折漕計戶部議改折江南省漕糧三十八萬石每石折銀一兩五錢隨漕輕齎席板等項仍照數起解奏請

允行

十六年江南大水奉

旨蠲免十五年以前未完錢糧

通志

康熙三年松江上海等處颶潮秋發奏報災傷蠲銀有

差

通志

上海志云蠲銀二萬四千三百四十八兩

四年蘇松等府水災蠲銀米停徵有差

通志

上海旱知縣鄒宏請蠲錢糧六千三百有奇

九年蘇松淮揚等處大水被災田地漕白米攤徵仍

蠲起運改折十分之三

通志

十年江南大旱蠲被災田地起運正賦十分之一二  
三不等漕糧改折外耗贈米俱奉

旨蠲免

通志

按定例報災田五六分者免糧十之一七八分者免糧十之二九十分者十之三是年上海知縣朱光輝賑飢張有榮等出粟有差

十一年

諭江南連年水旱將舊欠錢糧一并停徵並將十一年帶徵八九兩年漕項漕白銀米悉暫停徵

大清會典則例

是年上海縣雹災蠲免正耗銀一千二百八十二兩

有奇上海志又南匯志云  
蠲米四十三石有零

十二年四月十二日

諭戶部江南蘇松常鎮淮揚六府連年災荒免明年地丁  
錢糧之半欽此大清會典則例

十七年江南各屬水災蠲停地丁漕項銀兩有差

又蘇常等處俱動支正項錢糧買米賑濟

華亭縣志云是年奉

旨蠲免被災田畝錢糧十之三緩徵被災田漕米於二十

年帶徵

十八年正月發帑令江南撫臣等親行督賑以上通志

按是時華亭縣知縣南夢旌妻縣知縣史彬上海縣  
知縣任辰旦青浦縣知縣蘭友芳奉文勸賑設廠施

粥

是年自三月至八月不雨奉

旨江南財賦繁多舊欠無徵錢糧如再行徵比恐累小民其十年十一十二年錢糧俱著蠲免其十三十四十五年六年錢糧俱自十九年起分年帶徵以紓民力著該撫通行曉諭務令均沾實惠以副朕愛養斯民至意該部知道

又奉

旨九分十分荒者免本年稅糧十分之四七分荒者免十分之三六分荒者十分之二

通志

是年戶部覆準凡流抵錢糧應蠲已徵者給予紅票

次年按數抵免

大清會典則例

十九年淮揚蘇松常鎮等處大水奉

旨蠲免被災田畝十分之三緩徵本年被災田漕米於二

十年帶徵

通志

按是年知府魯超檄屬率紳士出穀振濟上海知縣任辰旦蠲米二百石銀一百三十兩有奇曹瑞燦張錫擇孫大經等各助米有差

三十二年九月十六日

諭內閣恩旨江蘇安徽等處夏旱免本年漕糧三分之一

俟至應蠲年分補還

通志

三十四年賑濟長洲吳江常熟崑山青浦等縣飢民

通志

三十五年上海縣海溢民多淍死知府龔燦造塔座之

四十四年知縣許士貞募士民支官廩平糶

四十六年

諭江浙地方頃因偶被旱災隨命按數減徵豁免漕欠並分截本年漕糧令該督撫親往散賑猶念民間生計未裕茲特再施膏澤用宏休養康熙四十七年江南浙江通省人丁共徵銀六十九萬七千七百餘兩著悉予蠲免其本年被災江蘇巡撫所屬二十五州縣三衛應徵地畝銀一



百九十七萬五千二百餘兩糧三十九萬二千餘石四十七年亦著免徵所有舊欠帶徵銀米亦暫停追取俟開徵時一并輸納

大清會典則例

又

諭從來漕米槩不停徵卽蠲除節年額賦亦不及漕項朕念江南地方現被旱災除新徵漕米別有諭旨酌議截留散賑外其四十三年以前江蘇巡撫所屬各府州縣未完民欠漕項銀六十八萬七千餘兩米麥三十一萬一千八百餘石著該撫覈明悉予全免

大清會典則例

四十七年四月奉

諭以江西湖廣漕糧三十餘萬石至蘇松減價平糶 十  
二月以上元江寧崇明上海八縣太倉鎮海金山三  
衛本年秋災蠲免地丁銀五萬四千六百五十餘兩  
米豆三千四百八十餘石漕米緩徵一年仍賑濟飢

民

通志

金山縣志云本年秋災豁免地丁銀兩上海志云緩  
徵舊欠銀米是年水災七八九十分不等照例免地  
畝銀一萬四千七百七十八兩有奇米四百七十七石  
有奇漕米緩徵一半是年賑粥三月賑設南門外張  
永銓典煮粥曹炳曾陸藻萼李士達張家爽李徵等  
助賑南匯胡志云四十八年設廠福泉寺賑粥八十  
日

四十九年六月奉

諭將江南舊欠四十四四十五四十六四十七年未完地

丁等項錢糧於五十年起分四年帶徵四十七年漕

項錢糧於五十三年帶徵

上海縣志

五十四年以蘇松淮揚等屬三十三州縣衛本年水

災蠲免地丁銀米有差

通志

六十年八月賑濟蘇松常鎮揚所屬飢民

通志

上海縣志云是年旱八分災照例免本年地丁四百六十二兩有奇米十五石有奇

雍正二年十二月賑濟蘇松所屬飢民緩徵漕米 又

江南沿海地方海潮汎溢民被災者發倉賑濟

通志

上海志云是年上海被災五六七八九十分不等照例免地丁銀一萬八千六百八十八兩有奇米五百

二十五石有奇  
并緩徵漕米

三年五月以蘇松常鎮揚通太七府州被災蠲免二  
年分蘆課銀五千二百一十餘兩

是月十七日

諭戶部去歲江浙海潮衝溢沿海場竈淪沒之處甚多兩  
淮鹽政所屬地方經噶爾泰奏聞朕卽發帑賑卹并將雍  
正元年二年竈戶未完折價銀四萬餘兩零悉行蠲免其  
兩淮鹽政所屬地方該巡鹽並未將被災之處題報今謝  
賜履以摺奏聞去秋海濤漂沒情形兩浙與兩淮無異朕  
博施一體之心務使率土均沾膏澤著將華亭婁縣上海

海寧餘姚蕭山慈谿等縣雍正元年二年未完場課銀兩

悉行蠲免

南匯縣志

上海志云雍正元年

恩詔罰贖積穀原以備賑冬月嚴寒令有司酌量賑濟上

海知縣傅之詮報貧民六百餘名賑一月二年水災

巡撫張楷疏請康熙五十一年至雍正元年舊欠錢

糧均作十二年帶徵布政司鄂爾泰請撥江寧淮安

留漕米二千石派縣煮粥又支庫銀五萬兩買米賑

濟被災

各縣

又戶部覆準江南蘇松鎮淮揚五府屬之太倉等十

四州縣本年田禾被風潮淹損將漕糧徵一半俟三

年後秋後帶徵

大清會典則例

四年奉

諭江蘇所屬之蘇松常鎮四府地廣人稠需米甚多四府所屬之漕兌共一百四十餘萬石居七省漕糧三分之一今州縣既有被水之區恐小民輸納非易著將成災五分以上之地畝應出漕米緩徵一半其緩徵一半漕米著於雍正五年秋收後帶徵

大清會典則例

是年賑濟江蘇松常鎮等所屬州縣被災飢民

通志

五年八月以福泉陽湖二縣上年被災奉

諭免地丁銀一萬一百四十餘兩米二百七十餘石

通志

六年

諭君民上下之閒休戚相關本同一體論語曰百姓足君

孰與不足是民間之生計卽國計也自古人君有不卹民之災憐民之困者無此情理而至於歉歲蠲免之數往往多寡不同者則時勢盈絀爲之出於不得已也如明洪武時凡水旱地方租銀卽予蠲免成化時被災之地以十分爲率減免三分宏治時全荒者免七分九分者免六分以是遞減至被荒四分免一分而止我朝順治初年凡被荒之地或全免或半免或免十分之三以被災之輕重定蠲數之多寡順治十年議定被災八九十分者免十分之三五六七分者免十分之二四分者免十分之一康熙十七年議定歉收地方除五分以下不成災外六分者免十分

之一七分八分者免十分之二九分十分者免十分之三  
此例現在遵行

聖祖仁皇帝深仁厚澤愛養斯民或因偶有水旱而全蠲  
本地之租亦且竝無荒歉而輸免天下之賦浩蕩之恩不  
可勝舉而特未曾更改舊例者蓋恐國家經費或有不敷  
故仍存成法而加恩於常格之外耳朕卽位以來清理虧  
空剔除弊端數年之中庫帑漸見充裕用沛特恩將蠲免  
之例加增分數以惠烝黎其被災十分者著免七分九分  
者著免六分八分者著免四分七分者著免二分六分者  
著免一分將此通行各省知之

大清會典則例



十年八月奉

旨江南濱海人民被水著督撫等督率有司誠心撫綏毋使失所 十二月準總漕性桂疏截留漕米四十萬石以

備平糴通志

上海縣志云是年秋海潮汎溢被災五六七八九十  
分不等照例免本年地丁銀一萬六千八百五十九  
兩有奇米六百七十六石有奇漕糧折徵南匯志云  
冬奉

旨大賑飢民三月初賑大口四萬五千四百六十八每口  
月給米一斗小口一萬五百八十八每口月給米五  
升凡賑三次上海志又云自十年十一年三月賑米  
二萬五千八百石有奇巡撫喬世臣發銀四百兩賑  
濟上海紳士李士達曹培廉培年等捐貲施粥南匯  
縣知縣程綱勸賑貢生汪肅州同張峻程爲珍以平  
糴助賑議敘施鎬盛錦張休乾方口亮周德洽錢汪  
基龔兆麟張騰九華雲華琳華珍大紹昌朝秦秉謙

馬彝張崧張曰雋朱世傑陶錫口陸廷俊張英彥俞士鳳顧昇汪茂豐等或收瘞尸棺或出穀賑濟其好義尤可風焉

十一年正月奉

諭江南常熟等二十二州縣并華亭等縣沿海被水地方已定議大賑三次著再加賑四十日其有從前遺漏貧民并先可餬口而目下力不能支者亦著查明補賑再被水之鹽場竈戶亦照貧民例加賑一月

通志

又

諭聞上年秋月江南沿海地方海潮汎溢蘇松常三府近水之人遭值水患其本地紳衿士庶中有雇覓舟楫救濟

者有蠲輸銀米煮賑者今年夏閒人有時症紳衿人等又復蠲輸方藥資助米糧似此賑災扶困之心不愧古人任卹之誼風俗淳厚甚屬可嘉著該督撫宣旨褒獎仍遵前諭將蠲助多者具題議敘少者給予匾額登記冊籍免其差徭並造冊報部

大清會典則例

又戶部覆準江南南匯等縣並金山鎮海等三十四州縣衛十年秋海潮涌漫風雨蟲傷其本年應納地丁錢糧及十年以前各項舊欠皆緩至十一年秋成

後徵收

大清會典則例

十二月奉

諭江南雨水稍多收成歉薄著將乙卯年起運漕米截留  
二十萬石於被水州縣平糶新舊條銀及本年南漕等米  
緩至來年麥熟開徵仍令動支倉穀分別賑濟

又奉

諭將本年漕米一半折徵

通志 每石折徵銀一兩

南匯志云奉

旨加賑四十日大口四萬五千四百二十三每口給米一  
斗三升三合小口一萬五百二十九每口給米六升  
六合補賑民軍貧生共大小口四萬一千七百十八  
自冬至春賑米二萬七千一百十八石零免雍正十  
二年條編銀二萬七千九百八十六兩有奇蠲兵南  
局卹米一千三百八十石有奇又奉  
旨將十年秋被災蘆洲分別蠲免課銀八分災蠲十分之  
四七分災蠲十分之三  
六分災蠲十分之二

十二年

諭今年六月閒江蘇地方雨水稍多州縣低窪之地被水淹沒應徵新舊條糧著緩至來年麥熟開徵再應納南漕等米亦準明秋折納

大清會典則例

南匯志云是年春知縣欽璉捐米百石并勸士商各輸米薪分設粥廠於縣城及川沙共賑十九萬七千九百十四口其一團鎮則程爲珍等公建粥廠

乾隆元年

諭各省地方偶有水旱蠲免錢糧嗣後著將被災五分之一處亦準報災地方察勘明確蠲免錢糧十分之一永著爲

例欽此

大清會典則例

七月奉

諭直省州縣倘遇查勘水旱等事凡一切飯食盤費及造冊紙張各費俱酌量動存公銀毋許絲毫派累地方若州縣官不能詳察嚴禁以致胥役里保仍蹈故轍舞弊蠹民者著該督撫立即題參從重議處 八月戶部覆蘇撫顧

琮題查各州縣被水田畝既多查勘需時若照定限四十五日結報誠有草率之處應請照例準其加展一月飭將成災分數確核造冊報題 十一月戶部覆江南提督南天祥奏被災過重州縣存倉穀石不敷糶至麥熟者在於附近豐收州縣均貯充裕者酌

量動撥若干委員運往協濟平糶并將所糶銀兩帶  
回本邑照數買補實貯倉廩得以源源接濟至所需

運費銀兩於存公項下酌量動用造冊報部

條例約編

二年戶部議準丁糧銀嗣後被災地方令總督巡撫  
確實勘明或分年帶徵或按分數蠲免臨時具題請

旨再丁銀一項未經攤入地銀以前原與別款徵收不與

地糧一例蠲免自雍正六年丁銀攤入地畝均徵之

後設有災荒自應一例酌免行令各省倘遇災荒減

免錢糧卽將丁銀統入地糧銀內覈算蠲免

又題

準地方倘遇水旱災傷督撫一面題報一面遴委大

員親至被災地方率屬酌量被災情形視飢民多寡  
先發倉賑濟仍於四十五日限內題明俟賑務告竣  
將賑過戶口需用米糧造冊題銷其被災頃畝分數  
卽於勘災日覈實保結隨疏聲明

大清會典則例

按是年八月閏學凌如煥條奏案內部議各省州縣  
倘遇水災驟至該督撫聞報之日一面將被災緣由  
先行題報委廉能屬員量撥存公銀兩會同地方官  
秉公確查被災之家果係房屋沖坍無力修整并房  
屋雖存飢寒切身者均酌量賑卹安頓如遇冰雹風  
風等災其間果有極貧之民亦應準其一體撫卹  
三年七月奉

諭江南地方今年五月雨澤短少六月雖經得雨未能沾  
足朕心甚爲憂慮已屢降諭旨令該督撫預爲籌畫悉心



經理今思冬月卽徵收漕糧之時田畝旣苦歉收則官糧難以輸納著該督撫出示暫停徵收將是否成災及成災分數逐一確查其成災者自應照例題請豁免卽不成災之處收成旣薄需米孔殷亦應照雍正十二年之例每米一石折銀一兩徵收計算此時米價在小民辦納已省一半之費而地方多留米穀於民食亦大有裨益

條例約編

七年八月奉

諭向來外省地方災荒有司官辦理不善每將應徵人數有意裁減以致人多賑少國家雖沛恩膏而小民仍有不免飢餒者今年江南被水甚重且當連年災荒之後更非

尋常可比凡屬應賑災民務須將大小口數據實造冊不得仍踵前弊致有遺漏可速傳諭欽差大臣及該督撫加意查察轉飭有司實力奉行

條例  
糾編

又奉

諭江南上下兩江今年水漲逾常該督撫陸續奏報者不下數十州縣朕每一覽奏宵旰靡寧已屢降諭旨令該督撫加意撫綏毋使失所又特命大臣前往會同拯救目前之災荒永除將來之水患但此被災之地夏已無收秋更失望小民困苦其何以堪所有本年應納錢糧著該督撫勘明被災各州縣先行緩徵次第將確數分別具奏請旨

蠲免

大清會典則例

上海志云八年米額貴知府  
雅爾哈善飭高戶秉公平糶

十二年戶部題準江南乾隆十二年七月颶風驟雨  
湖水衝決濱臨江海之常熟等十七州縣並蘇州太  
倉鎮海金山四衛民屯沙洲田禾花豆衝沒又夏秋  
雨澤愆期上元等十二縣并揚州儀徵鎮江三衛被  
旱災田地丁銀米按分數蠲免蠲剩銀米按被災輕  
重分年帶徵十三年新賦緩至秋成後啓徵各年舊  
欠地丁銀米緩至來年麥熟徵輸如有勘不成災收  
成歉薄應徵本年地丁銀米並借欠籽種亦緩至來

年麥熟徵收又災田漕糧清項所有被災較重之上  
海鎮洋寶山常熟太倉等七州縣並蘇州太倉鎮海  
金山四衛災田按分數蠲免銀米南匯嘉定上元等  
九縣所有本年災田漕糧均緩至明冬帶辦漕項銀  
與地丁一例緩徵大清會典則例  
上海志云是年水災煮粥賑飢給口糧一月濟繁人  
口坍塌房屋均給貲掩埋修葺知縣王傑捐俸并勸  
好善士民咸之

十三年雹傷豆麥奉

諭於被災處所酌給籽種銀每畝二分其上年被災特重

者再借一月口糧

上海縣志

是年米價大昂上海知縣王佺勸士民平糶李陽王智古智純王璣王洪李秉智秉義春浦張殿邦德基李枝桂朝宋鵬博朝英朝鼎張坤元李昇李如庚如稼蔡秉琯出粟有差十四年大疫上海知縣李文耀捐俸施藥

十八年十一月奉

諭據舒赫德奏上下江辦理賑務微有互異下江按月照三十日全給上江則遇閒曠扣除等語夫按日給賑例應扣除閒曠是上江合例而下江非是但江南此次被災甚重非尋常偏災可比朕心爲之宵旰靡寧其上江賑務著照下江所辦按月全給不必扣除閒曠以示優卹嗣後如遇有偏災仍照定例辦理

條例  
約編

二十年蘇松等府秋災奉

諭緩徵本年漕米給籽種

上海志云巡道中文薰上海知縣李文耀捐賑梧州  
守李宗袁捐干緒不請議敘監生胡汝棟助錢一千  
兩議敘主簿紳士朱之洪之顯金應元凌存淳存清  
喬鍾沂鍾吳周芳新曹錫棟錫棠錫桐李心怡陳鍾  
澧姜天培陳世材羅逢年儲全信等山栗有差厥設  
演武場紳士李陽李綱李煥王智純王璵家樹張德  
基孫熙龍沈淞河朝鼎黃雲師黃炳張兆奎侯目朝等  
均就鄉賑粥

二十一年二月奉

諭上年江浙二省歉收屢經降旨截漕賑卹令該督撫等  
多方撫綏惟是該省收成既歉米糧市價自必昂貴全賴  
商販流通源源耀運以資接濟所有江浙二省各關口應

徵米豆額稅俱著加恩免徵以廣招來至秋收後照例輸

納務期賈販輻輳市值平減俾小民無食費之慮條例約編

上海志云是年春猶饑復大疫平糶加初上海邑人

於鄂王廟廣福寺施錢及粥閤行義志彥捐米以賑

南匯志云奉憲檄飭勸諭紳衿富戶量力助捐新場

鎮鄉官葉專倡率勸捐梧州府知府李宗袁候選通

判周乘柄同弟秉桂監生方景儕程志清等出錢米

有差福泉寺煮賑及就園散賑則楊永昌孫懷清王

樂善與子孔堂候補王事王學文候補知府秦秉謙

議敘州同張煥等出粟有差而二十一屬顧型方亦

二十一年

恩旨全蠲本年地丁銀兩上海縣志

南匯志云欽奉

恩免地丁銀三萬六千一百九十八兩零

二十四年勘不成災其地丁銀兩緩至二十五年麥熟後徵收二十五年地漕新賦緩至秋成後起徵

華亭縣志

縣志

二十七年奉

諭蠲免被災地丁十分之五

上海縣志

三十三年七月奉

諭高晉奏上下兩江地方本年五六月間雖閒得雨澤未能一律普徧近水低田尚可車引高阜之區難於戽灌時已立秋不能趕種雜糧等語所奏爲時太遲已於摺內批飭矣朕於農田晴雨常厯宵旰每諭各督撫隨時入告冀



得周知薄海民生休戚早施補助今兩江夏雨愆期地方  
政務孰有要於此者該督等所司何事豈竟漠不動念不  
及早據實上聞乎至該水鄉窪地可引漑蒔秧者收成自  
不致歉薄其高田山阜趕種旣逾節候恐不免有偏災朕  
心深爲軫念著該督撫迅速查明通省各屬有被旱成災  
應行賑卹之處卽行董率屬員實力妥協查辦毋使閭閻  
失所副朕惠愛黎元至意仍一而將辦理實在情形速爲  
奏覆其應緩徵者卽行緩徵以紓民望該部卽遵諭行

四十年戶部覆江寧布政使閔鶚元嗣後辦理災賑  
將實用銀兩核實報銷餘剩卽行提解司庫歸還本

款毋得仍存賑剩名色致滋牽混如一經報銷後仍  
任意延宕將餘剩銀兩項開支輾轉牽扯照挪移  
錢糧外分別治罪其動用銀兩槩不準其開銷卽著  
落承辦之藩司及該府州縣分賠還項

以上條  
編約編

五十年九月奉

諭川省米船過楚運赴安徽江蘇者湖北省亦不可盡數  
截留庶上下兩江均資接濟如此則四川江西米船皆接  
續前往安徽江蘇二省米糧自應湊集其本省商民亦不  
得觀望居奇過昂其價薩載書麟務須飭屬徧行曉諭俾  
米糧流通價值不致騰踊似此通盤籌辦彼此照應則三

省歉收地方均有裨益

條例約編

五十九年秋水災禾棉歉收四分銀米俱緩作二年

帶徵

上海縣志

上海志云六十年春大饑邑士出粟煮粥賑濟署上海令汪廷疇蒞其事

嘉慶三年災緩徵漕米十分之三五

十年災緩徵漕米錢糧十分之三六

並上海縣志

十九年旱華亭奉賢婁縣金山上海南匯川沙秋禾被災題奉部覆緩徵災田地丁錢糧并漕項漕糧銀米有差

松江府志卷二十六終